

全上古三代秦漢三國六朝文

全晉文卷十

烏程嚴可均校輯

成帝

帝諱衍，字世根，明帝長子。太寧三年三月，立爲皇太子。閏八月，卽位。改元二。咸和咸康在位十七年。諡曰成皇帝。廟號顯宗。拜敬保傳詔。

曲陵公等宣力前朝，致勳皇家。已德義優弘，兼保傳朕躬。朕遭家不造，奄在哀疾。稟訓未究，誤事窮蹙。其一遵先帝尊崇師傅之教，拜敬。加呂明傳崇德永奉遺範。通典六十七

原孔恢詔 咸和二一年

恢自陷刑網，罪當大辟。但已其父年老而有一子，已爲惻然，可憫之。御覽六百四十六引晉書咸和二一年句容令孔恢罪棄市詔云云

報庾亮詔 咸和四年三月

省告懇惻，執已感歎，誠是仁舅處物宗之責，理亦盡矣。若大義既不開塞，舅所執理勝，何必區區其相易奪。賊峻姦逆，書契所未有也。是天地所不容，人神所不宥。今年不反，明年當反。愚智所見也。舅與諸公勃然而名正，是不忍見無禮于君者也。論情與義，何得謂之不忠乎。若已已總率征討，事致敗喪，有司宜明直繩，已肅國體，誠則然矣。且舅遂上告方伯，席卷來下，舅躬賈甲冑，賊峻梟懸，大事既平，天下開泰，衍得反正，社稷又安，宗廟有奉，豈非舅一二方伯亡身陳力之勳耶。方當策勳行賞，豈復議既往之咎乎。且天下大弊，死者萬計，而與桀寇對岸，舅且當上奉先帝顧託之旨，引濟艱難，使衍沖人，永有憑賴，則天下幸甚。

晉書庾亮傳蘇峻平亮上疏乞骸骨詔云云

詔譙王無忌

四年

王敦作亂，閔王遇禍，尋事原情。今王何責，然公私憲制，亦已有斷。王當自體國爲大，豈可尋繹由來已亂朝憲。主者其申明法令，自

今日往有犯必誅。晉書宗室王傳無忌父承爲州刺史王敦
攻水城陷王廙承敦旨害之咸和中無忌餞諸
哀下板橋。廙子普之在坐無忌志欲復讎將手刃之救捍獲免御
史中丞車灌奏無忌欲專殺人付廷尉科罪詔云云于是聽旨隨
詔

詔殿內咸和五年

制詔殿內平天通天冠竝不能佳可更修理之。隋書禮儀志七
引晉起居注

報王導詔咸和中

夫聖王御世動合至道運無不周故能人倫攸攸萬物獲宜朕荷
祖宗之重託于王公之上不能仰陶玄風俯洽宇宙亢陽踰時兆
庶胥怨邦之不臧惟予一人公體道明哲弘猷深遠動格四海翼
亮三世國典之不墜實仲山甫補之而猥崇謙光引咎克讓元首
之愆寄責宰輔祗增其闕博綜萬機不可一日有曠公宜遺履謙
之近節遵經國之遠略門下速遣侍中已下敦喻。晉書王導傳時
大旱導上疏選

位詔
云云

遷新宮詔

咸和八年

昔大賊縱暴宮室焚蕩元惡雖翦未暇營築有司屢陳朝會逼狹遂作斯宮子來之勞不日而成既獲臨御大饗羣后九賓充庭百官象物知君子勤禮小人盡力矣思蠲密網咸同斯惠其赦五歲刑已下令諸郡舉力人能舉于五百斤已上者

晉書成帝紀

徵翟湯虞喜爲散騎常侍詔

八年四月

尋陽翟湯會稽虞喜竝守道清貞不營世務耽學高尚操擬古人往雖徵命而不降屈豈素絲難染而搜引禮簡乎政道須賢宜納諸廊廟其竝曰散騎常侍徵之

晉書虞喜傳

優給陸玩孔愉詔

八年

尙書令玩左僕射愉竝恪居官次祿不代耕端右任重先朝所崇其給玩親信三十人愉已二十人稟賜

晉書孔愉傳

北討詔

八年

制詔戎夷猾夏神州傾覆二帝辭宮幽沒虜庭永言厥艱夙夜慨
憤自問江表屢有事故尅平內難始漸夷秦征伐事大役不再舉
是日廟筭待期畜力觀釁今羯寇衰弊王略彌振時至理盡天人
玄應大將軍涼州刺史西平公駿忠勳三代義誠壯烈總帥秦涼
爲國宣力今遣健步尅同征舉宜令影響相應萬里齊契其先普
告遠近征鎮牧守諸軍並令誠嚴須使還討蕩滌區宇呂雪國
恥其忠臣義士徇功效命必加殊賞呂旌勳節文館詞林六百六十二

正會詔

八年十二月庚子

正會日百寮增祿賜醕酒人二升

魏文類聚四引
晉臧康起居注

贈陶侃詔

咸和九年六月

故使持節侍中太尉都督荆江雍梁交廣益寧八州諸軍事荆江

二州刺史長沙郡公經德縝哲

文選齊竟陵王行狀注
引晉中興書作秉哲

謀猷弘遠

作藩于外八州肅清勤王于內皇家曰寧乃者桓文之勳伯舅是

憑方賴大猷俾屏子一人前進位大司馬禮秩榮命未及加崇昊天不弔奄忽薨殂朕用震悼于厥心今遣兼鴻臚追贈大司馬假

蜜章呵曰太牢魂而有靈嘉茲寵榮

晉書陶侃傳

戲兵詔

咸和中

內外諸軍戲兵於南郊之場

宋書禮志一

改元大赦詔

咸康元年正月朔

有司條典虔奉郊祀燔柴既饗芳氣清穆其赦天下令咸得自新

初學記

贈建安君爲豫章郡君詔

元年

朕少遭憫凶慈訓無稟撫育之勤建安君之仁也一旦薨殂實思報復永惟平昔感痛哀摧其贈豫章郡君別立廟于京都

晉書庾亮傳

章君荀

報衛直啟作皇后畫輪車詔

元年

所奏車何乃奢費爾更籌量北齊書鈔未刪改本一百三十九引晉起居注臧康沅年兼殿中監衛直

取作皇后盡輪車語云云

許彭城王紘解官養疾詔

咸康初

王曰明德茂親居宗師之重宜敷道養德靜一其操而頃游行煩數日履風塵宜令官屬已下各引職奉衛不得令王復有此勞內外職司各慎其局王可解常侍光祿宗師先所給車牛可錄取賜米布牀帳曰養疾晉書宗室彭城王攸附傳

授陸玩左光祿大夫詔

咸康初

玩體道清純雅量弘遠歷位內外風績顯著宜居台司曰允眾望授左光祿大夫開府儀同三司加散騎常侍餘如故晉書陸玩傳

求衛公山陽公後詔

咸康二年十月

歷觀先代莫不褒崇明祀賓禮三恪故祀宋啟土光子周典宗姬侯衛垂美漢冊自頃喪亂庶邦殄悴周漢之後絕而莫繼其詳求

衛公山陽公近屬有履行修明可曰繼承其祀者依舊典施行

首書

成帝紀

壬辰詔書二年

占山護澤強盜律論賊一丈呂上皆棄市

宋書羊玄保傳有司檢壬辰詔書云云羊希呂

壬辰之備其禁嚴刻停除咸康二年壬辰之科

議拜三公儀注詔

咸康三年通典作咸康詔

三公鼎司皇帝有興拜之禮何曰不設樂又正位南面何曰不服

冕

通典七十一又一百四十七

追卹卞壺詔

咸康六年

壺立朝忠恪喪身兇寇所封懸遠租秩薄少妻息不贍曰爲慨然

可給寶口廩

晉書卞壺傳

杜皇后崩內外入臨詔

咸康七年三月

外官五日一入臨內官旦一入而已過葬虞祭禮畢止

宋書禮志二又通典

七十

停凶門柏歷詔

門如何處凶門柏歷大爲繁費停之

宋書禮志二有司奏天行禮后陵所作凶門柏歷門號

陽端門詔云云又見通典七十九

又詔

重壤之下豈宜崇飾無用陵中唯潔埽而已

宋書禮志二通典七十九

奔喪詔

咸康中

今輕此制於名教爲不盡矣今宜旨議者既眾不必改先制宜依

濛所上施行

通典八十

葬恭杜皇后詔

七年三月

吉凶典儀誠宜備設然豐約之度亦當隨時況重壤之下而崇飾

無用邪今山陵之事一從節儉陵中唯潔埽而已不得施塗車芻

靈

晉書成恭杜皇后傳

皇后喪不廢三正吉禮詔七年

今既曰天下體大禮從權宜三正之饗宜盡用吉禮也至娛耳目之樂所不忍聞故闕之耳事之大者不過上壽酒稱萬歲已許其大不足復闕鐘鼓鼓吹也

晉書樂志下

正會奏樂詔七年十二月

若元日大饗萬國朝宗庭廢鐘鼓之奏遂闕起居之節朝無磬折之音賓無蹈履之度其于事儀不亦闕乎諸人當準量輕重曰制事中則情典竝隨國無滯儀矣

御覽二十九引晉起居注又見晉書樂志下有刪節

下八座詔 咸康八年

祖諱孰若君命之重耶下八座詳之

通典一百四咸康八年詔曰王允之爲衛將軍會稽內史

允之表郡與祖會名同乞改授詔曰云云

爲東海王冲立後詔 八年六月

哀王無嗣國統將絕朕所哀怛其曰小晚生奕繼哀王爲東海王

晉書元四王
東海王沖傳

追贈刁協本官詔 咸康中

協情在忠主而失爲臣之道故令王敦得託名公義而實肆私忌
遂合社稷受屈元皇銜恥致禍之原豈不有由若極明國典則瘞
刑非重今正當曰協之勤有可書敦之逆命不可長故議其事耳
今可從協本位加之冊祭曰明有忠於君者繼介必顯雖於貶戮
未盡然或足有勸矣 晉書刁協傳

詔賜羊聃死

此事古今所無何人議之有猶未忍肆之市朝其賜命獄所 晉書

傳曼子聃遠廬陵太守疑郡人簡夏等爲賊殺二百餘人有司奏
聃罪當死曰景獻皇后是其祖姑應入議成帝詔云云又見法苑
珠林一百十引冤魂志作此事古今所未有此
而可忍孰不可忍何人議之有可赦所賜命

詔羊賁勿離婚

罪不相及古今之合典也聃雖極法於賁何有其特不聽離婚 晉書

羊曼傳附兄子黃尚公
注白表求解婚詔云云

原羊聘詔

太妃惟此一舅發言摧咽乃至吐血情慮深重朕往丁荼毒受太妃撫育之恩同于慈親若不堪難忍之痛呂致頓弊朕亦何顏呂寄今便原聘生命呂慰太妃涓陽之思

晉書羊曼傳又見法苑珠林一百十引冤魂志

遺詔

朕自眇年獲嗣洪緒託于王公之上於茲十有八年未能闡融政道翦除遺祿夙夜戰兢匪遑寧處今避疾殆不興是用震悼于厥心千齡眇眇未堪艱難司徒琅邪王岳親則母弟體則仁長君人之風允塞時望肆爾王公卿士其輔之呂祇奉祖宗明祀協和內外允執其中嗚呼敬之哉無墜祖宗之顯命

晉書成帝紀

贈謚溫嶠冊 咸和四年四月

朕自眇身簪承洪緒不能光闡大道化洽時雍至乃狂狡滔天社

稷危逼，惟公明鑒，特達識心，經遠懼皇綱之不維，忿凶寇之縱暴，唱率羣后，五州響應，首啟戎行，元惡授馘，王室危而復安，三光幽而復明，功格宇宙，勳著八表，方賴大猷，呂拯區夏，天不憖遺，早世薨歿，朕用痛悼，于厥心，夫褒德銘勳，先王之明典，今追贈公侍中、大將軍、持節、都督、刺史，公如故，賜錢百萬，布千疋，諡曰忠武，祠曰

太牢

晉書呂淵
矯傳

拜王導丞相

咸康四年六月

朕夙懼不造，肆陟帝位，未堪多難，禍亂旁興，公文貫九功，武經七德，外緝四海，內齊八政，天地呂平，神人呂和，業同伊尹，道隆姬旦，仰思唐虞，登庸雋乂，申命羣官，允釐庶績，朕思憑高謨，弘濟遠猷，惟稽古建爾于上公，永爲晉輔，往踐厥職，敬敷道訓，呂亮天工，不

亦休哉，公其戒之

晉書王
導傳

諡王導

咸康五年七月

蓋高位曰酬明德厚爵曰答懋勳至平闔棺標迹莫尙號諡風流百代于是乎在惟公邁達冲虛玄鑒劭逸夷淡曰約其心體仁曰流其惠棲遲務外則名雋中夏應期濯纓則潛筭獨運昔我中宗肅祖之基中興也下帷委誠而策定江左拱己宅心而庶績咸熙故能威之所振寇虐改心化之所鼓檣杙易質調陰陽之和通彝倫之紀遠隴承風丹穴景附隆高世之功復宣武之績舊物不失公協其猷若乃荷負願命保朕冲人遭遇難圯夷險委順拯其淪墜而濟之曰道扶其顛傾而弘之曰仁經緯三朝而蘊道彌曠方賴高謨曰穆四海昊天不弔奄忽薨殂朕用震慟于心雖有殷之殞保衡有周之喪二南曷諭茲懷今遣使持節謁者僕射任瞻錫諡曰文獻祠曰太牢魂而有靈嘉茲榮寵

晉書王導傳

贈郗鑿爵諡冊

五年八月

惟公道德冲遠體識弘遠忠亮雅正行爲世表歷位內外勳庸彌

著乃者約峻狂狻毒流朝廷社稷之危賴公呂寔功偉古烈勳邁
桓文方倚大猷藩翼時難昊天不弔奄忽薨殂朕用震悼于厥心
夫爵曰顯德諡曰表行所曰宗明軌迹丕揚徽猷今贈太宰諡曰
文成祠曰太宰魂而有靈嘉茲寵榮

晉書雜
陸澄傳

康帝

帝諱岳字世同成帝同母弟咸和元年封吳王二年徙封琅邪
王咸康八年六月卽位明年改元建元在位二年諡曰康皇帝

奔喪詔

咸康八年

孝慈起於自然忠孝發於天成若道不喪豈有今弊弊至醜薄反
之何期況曰今日之弊而欲廢準式於積俗求慈仁於吾朝其於
理化也無乃迂乎

通典

周年不應改服詔

建元元年正月晦

君親名教之重也權制出於近代耳

宋書禮志二
通典八十一

曰會稽王昱領太常詔

元年五月

太常職典天地兼掌宗廟其爲任也可謂重矣是曰古今選建未嘗不妙簡時望兼收儒雅會稽王叔履尙清虛志道無倦優游上列風議朝肆朕所諮仰其曰王領太常本官如故

書鈔五十三卷覽二百二十八

引晉中興書又見晉書簡文帝紀

答有司請權降喪禮詔

元年六月

禮之降殺因時而寢與誠無常矣至於君親相準名教之重莫之改也權制之作蓋出近代雖曰適事實弊薄之始先王崇之後世猶怠而況因循又從輕降義弗可矣

晉書康帝紀

詔遣使詣安西驛騎

元年七月

慕容皝摧殄羯寇乃云死沒八萬餘人將是其天亡之始也中原之事宜加籌量且戴開已帥部黨歸順宜見慰勞其遣使詣安西驛騎諮謀諸軍事

晉書康帝紀十六國春秋卷十六無末句

納皇后儀注詔 建元元年

所曰正法服升太極者，曰敬其始，故備其禮也。今云何更闕所重，而微法物邪？又恭后神主入廟，先帝詔后禮宜降，不宜建五牛旗，而今猶復設之邪？既不設五牛旗，則旄頭單罕之物，易具也。

晉書禮志

下宋書禮志一

詔省納后儀物 元年

舊制既難準，且於今而備，亦非宜。府庫之儲，惟當已供軍國之費耳。法服儀飾，粗令舉其餘，兼副雜器，停之。

晉書禮志下，宋書禮志案上二條，通典五

十八有刪節

曰謝尚爲南中郎將詔 建元二年

尚往，曰戎戍事要，故輟黃散。曰授軍旅，所處險要，宜崇其威望。今

曰爲南中郎將餘官如故。

晉書謝尚傳

促顧和釋服就職詔 建元二年

百揆務殷端右總要而曠職經久甚曰悒然昔先朝政道休明中
夏隆盛山賈諸公皆釋服從時不獲遂其情禮況今日艱難百王
之弊尙書令禮已過祥練豈得聽不赴急疾而遂固極之情乎

晉書
顧和

下東陽太守山遐詔

東陽頃來竟囚每多入重豈郡多罪人將捶楚所求莫能自固邪

晉書山
濤附傳

尙書增祿詔

尙書萬事之本朕所責成也而廩秩儉薄甚非治體今雖軍國多
費不爲元凱惜祿其依令僕給尙書各親信五十人廩賜

御覽二
百十二
引晉康帝
起居注

書

陸女郎問評如此可籌量之

清化閣

討石虎檄文

建元元年七月

石勒因釁前覆舊京窮凶極逆僞號累祀百姓受灰沒之酷王室
有黍離之哀不爲少康之隆孰能祀夏不有宣王之興誰克舊物
羯帥石虎僭襲凶葉負恃其眾陸梁河朔每念頰口之士懷仁抱
義食膽飲血惟其禍酷心存倒懸而力不能奮今遣使持節荊州
刺史亭都侯翼高旗連雲組練曠日運孫吳之籌按尙父之略莫
不張膽咀鐵人思自奮曰此眾戰其猶烈火之燔秋蓬衝飈之埽
落葉也

十六國卷
秋十六

穆帝

帝諱聃字彭子康帝子建元二年九月卽位改元二永和升平
在位十七年諡曰穆皇帝廟號孝宗

曰王洽爲中書令詔

敬和清裁貴令昔爲中書郎吾時尙小數呼見意甚親之今所曰

用爲令既機任須才且欲時時相見共講文章待臣友臣之義而累表固讓甚違本懷其催洽令拜晉書王導附傳

國妃終三年之服詔

朝廷所曰從權制者曰王事奪之非爲變禮也婦人傳重義大若從權制義將安託晉書禮志中宋書禮志二道典九十三穆帝時臣已反吉國妃亦宜同除詔曰云云

止扶南天竺旃檀獻馴象詔升平元年正月

昔先帝曰殊方異獸或爲人患禁之今及其未至可合還本土晉書

穆帝紀

此物勞費不少駐令勿送梁書扶南傳

下詔罪王饒升平二年三月

欽飛督王饒忽上吾鳩鳥曰避惡此凶物豈宜妄進初學記二十四引何法盛

晉書輿書

聽高松傳爵詔升中

惲備位大臣違憲被黜事已久判其子崧求直無已今特聽傳侯

惲大各書高松傳

詔栢溫

實賴英宰淵謀文選栢淵碑注引晉中興書

詔答許詢

山陰舊爲祇洹寺永興居爲崇化寺造四層塔物產既罄猶欠露

槃相輪一朝風雨相輪等自備時所訪問乃是剡縣飛來

引建康實錄許詢捨永興山陰二宅爲寺家馬珍異悉皆是給旣成敬奏孝宗詔

賜進士出身二品銜廣東等處提刑按察使司按察使兼管驛傳事務黃岡王毓藻校刊

全晉文卷十終

全晉文卷十一

烏程嚴可均校輯

哀帝

帝諱丕字于齡成帝長子咸康八年封琅邪王升平五年五月
迎立改元二隆和興盜在位四年諡曰哀皇帝

呂東海王奕爲琅邪王詔升平五年五月壬戌

朕獲承明命入纂大統顧惟先王宗廟烝嘗無主太妃喪庭廓然
靡寄悲痛感摧五內抽割宗國之重情禮兼隆胤嗣之重義無與
一二東海王奕戚屬親近宜奉本統其呂奕爲琅邪王晉書哀帝紀

上嗣顯宗呂修本統詔十一月丙辰

顯宗成皇帝顧命曰時事多艱弘高世之風樹德博重曰隆社稷
而國故不已康穆早世胤祚不融朕曰寡德復承先緒感惟永慕
悲痛兼摧夫昭穆之義固宜本之天屬繼體承基古今常道宜上

嗣顯宗曰修本統

晉書袁帝紀

曰謝萬爲散騎常侍詔升平五年

前西中郎謝萬才義簡亮宜居獻替其曰萬爲散騎常侍

書餘五十八初

學記十二御覽二百二十一國並引晉起居注

鴻祀詔隆和元年

天文失度太史雖有祈禳之事猶數青屢彰今欲依鴻祀之制于

太極殿前庭親執虔肅

晉書孔嚴傳

答桓溫請還都洛陽詔

元年

在昔喪亂忽涉五紀戎狄肆暴繼襲凶迹眷言西顧慨歎盈懷知欲躬率三軍蕩滌氛穢廓清中畿光復舊京非夫外身殉國孰能若此者哉諸所處分委之高筭但河洛巨墟所營者廣經始之勤致勞懷也

晉書桓溫傳

日食詔

元年十二月戊午

戎旅路次未得輕簡賦役。玄象失度。亢旱爲患。宣政事未洽。將有
板築渭濱之士邪。其搜揚隱滯。蠲除苛碎。詳議法令。咸從損要。晉書

哀帝

書

不死罪死罪。承中書郎君疾。患比委祭。情已灼然。伏念垂心憂勞。

想得治力漸佳。不死罪死罪。清化閣帖一

廢帝

帝諱奕。字延齡。哀帝同母弟。咸寧八年。封東海王。升平五年。改
封琅邪王。興寧三年三月。迎立。改元太和。在位六年。爲桓溫所
廢。延安二年。降封海西縣公。

曰會稽王昱爲丞相。錄尚書事。詔。太和元年十月

會稽王體道冲虛。理識明久。阿衡孝宗。有保義之規。輔弼哀皇。盡
翼亮之道。朕承洪緒。仍開善誘。慎徽五教。儀形具瞻。登賢顯親。因

之典也。其呂爲丞相錄尙書事入朝不趨贊拜不名。劔履上殿給

羽葆鼓吹班劔六十人。御覽二百二十引晉中興書。案廢帝紀興寧三年七月改封昱爲琅邪王。今此仍

稱會稽者簡文紀帝回讓故雖封琅邪而不去會稽之號

呂韓伯爲領軍將軍詔太和四年

尙書韓伯陳疾解職領軍闕無上直之勞可得從容養病更呂伯

爲領軍將軍。書鈔六十四引晉起居注武帝泰始四年蓋轉寫之誤當是廢帝太和四年

祓禊詔六年三月庚午朔

三日臨流杯池依東堂小會。初學記四引晉起居注

簡文帝

帝諱昱字道萬元帝少子永昌元年封琅邪王咸和元年徙封

會稽王廢帝卽位復封琅邪王太和六年十一月卽位改元咸

安在位二年諡曰簡文皇帝廟號太宗有集五卷

詔譙王恬咸安元年十一月甲寅

悲悅惶惶非所忍聞況言之哉其更詳議

通鑑一百三御史中丞

律誅武陵

工臨詔答

手詔報桓溫十一月乙卯

若晉祚靈長公便宜奉行前詔如其大運去矣請避賢路

晉書簡文紀有

可承溫旨奏誅臨帝不許溫固執至于再三帝手詔報

通鑑一百三溫重表固誅臨詞甚酷切帝乃賜溫手詔

大赦詔十一月戊午

制詔昔王室多故穆哀早崩皇崩夙零神器無寄東海王曰母弟
近屬入篡大統嗣位累年昏闇亂常人倫虧喪大禍必及則我祖
宗之靈靡知所託皇太后深懼皇基時定大計大司馬因順天人
協同神略親率羣后恭承明命雲霧既除皇極載清乃顧朕躬仰
承洪緒雖伊尹之寧殷朝博陸之安漢室弘道委任契齊古賢朕
曰寡德猥居元首司牧羣黎奉主社稷永惟先帝受命中興光隆
盛業實懼眇然弗克負荷戰戰兢兢罔知攸濟思與兆庶革心更

始其大赦天下，大酺五日，增文武位二等，孝順忠貞，鯨寡孤獨，米

人五斛。

文館詞林六百六十八
三句從晉書簡文紀補

末

不聽桓溫還姑熟詔。

十一月庚申

夫乾坤體合而化成萬物，二人同心則不言所利。古之哲王，咸賴元輔，姬旦光于四夷，而周道日隆；伊尹格于皇天，而殷化日洽。大司馬明德應期，光大深遠，上合天心，含章時發，用集大命。在子一人，功美博陸，道同萬世。今進公丞相，其大司馬本官皆如故。留公

京都，百鎮社稷。

晉書桓溫傳

詔百官。

二年三月丁酉

朕居阿衡三世，不能濟彼時雍，乃至海西失德，殆傾皇祚。賴祖宗靈祇之德，皇太后淑體應期，藩輔忠賢，百官戮力，用能蕩氛霧於昊蒼，耀晨輝於宇宙。遂曰：身託于王公之上，思賴羣賢，目矚其闕，天教本息，未抑絕華競，開忠信公坦之門，塞浮偽阿私之路。詢

名檢實致之曰道使清濁異流能否殊貫官無批政士無誦議不
有懲勸則德禮焉施且彊寇未殄勞役未息每念民疲力單則中
夜忘寢若不弘改曰求民瘼簡除游煩曰存儉約將何曰紆之邪
今自非軍國戎祀之要其華飾煩費之用可除者皆除之宜省者
皆省之其鰥寡窮獨癯殘六疾不能自存皆生民之至艱先王之
所愍宜加隱卹各賑賜之若或孝子貞婦殊行異操之人皆曰狀
條列當有曰甄明其節夫肥遯窮谷之賢汨泥揚波之士雖抗志
於玄霄之表潛默於幽岫之裏貧屈高尚之道曰隆協贊之美使
惠風流於天下膏澤被於萬物孰與獨足山水棲遲丘壑徇匹夫
之潔而忘兼濟之大邪古人不借賢于曩代朕所曰虛想於今日
內外百官剖符親民各勤所司使善無不達惡無不聞退食自公
平情曰道使詩人無素飡之刺而吾獲虛心之求豈不善哉其各
宣攝知朕意焉

晉書簡文紀又羣書
治要二十九引晉書

優卹軍士詔

咸安二年三月癸丑

吾承祖宗洪基而昧於政道懼不能允釐天工克隆先業夕惕惟憂若涉泉水賴宰輔忠德道濟伊望羣后竭誠協契斷金內外盡匡翼之規文武致匪躬之節冀因斯道終克弘濟每念干戈未戢公私疲悴藩鎮有疆理之務征戍懷東山之勤或白首戎陣忠勞未敘或行役彌久擔石靡儲何嘗不昧旦晨興夜分忘寢雖未能撫而巡之且欲達其此心可遣大使詣大司馬并問方伯逮於邊

戍宣詔大饗求其所安又籌量賜給悉令周普

晉書簡文紀

詔增百官俸

二年三月乙卯

往事故之後百度未充羣僚常俸並皆寡約蓋隨時之義也然退食在朝而祿不代耕非經通之制今資儲漸豐可籌量增俸

晉書簡文紀

出繼爲母服表

咸和中晉書作上疏

亡母生臨臣國沒留臣第臣雖出後而上無所厭則私情得伸昔
敬后崩時孝王先出後亦還服重此則明比臣之所憲章也通典八十
二又見晉書簡文宣鄭太后傳咸和元年建平國夫人薨簡文時
爲取邪王制服重有司曰王出繼宜降所生國臣不能匡正奏免
國相諸葛頤

奏四祖祧主

四祖同居西祧藏主石室禘祫乃祭如先朝舊儀

宋書禮志三永和二年撫軍將

軍會稽王司馬昱尚書劉劭等奏

答殷浩牋

屬當厄運危弊理盡誠賴時有其才不復遠求版築足下沈讖淹
長思綜通練起而明之足已經濟若復深存抱退苟遂本懷吾恐
天下之事於此去矣今紘領不振晉綱不綱願蹈東海復何得邪
由此言之足下去就卽是時之廢興時之廢興則家國不異足下
弘思之靜筭之亦將有目深鑒可否望不廢本懷率羣情也晉書殷浩

傳

與桓溫書

吾遂委篤足下便入冀得相見不謂疾患遂至於此今者悵然勢不復久且雖有詔豈復相及慨恨兼深如何可言天下艱難而昌明幼冲眇然非阿衡輔導之訓當何日寧濟也國事家計一託于公

魏書司馬昱傳昱疾與溫書晉書桓溫傳作帝不豫詔溫曰吾遂委篤足下便入冀得相見便來便來已下十四句皆無

書

昱白所示慶賜事具具此莫大之禮天下大慶得率由舊章慰答民望甚爲盡善但奢則不適於時儉則陋而不典正當斟酌其宜令得會中耳

涪化閣帖一

孝武帝

帝諱曜字昌明簡文帝第三子興寧三年封會稽王咸安二年七月卽位改元二靈康太元在位二十四年爲張貴人所弒諡

曰孝武皇帝廟號烈祖有集二卷

卽位詔

朕曰不造，奄丁閔凶，號天扣地，靡知所訴。藐然幼沖，眇若綴旒，深惟社稷之重，大懼不克負荷。仰憑祖宗之靈，積德之祀。先帝淳風玄化，遺詠在民。宰輔英賢，勳隆德盛，願命之託，實賴匡訓。羣后率職，百寮勤政，冀孤弱之躬，有寄。皇極之基，不墜。先恩遺惠，播于四海。思弘餘潤，曰康黎庶。其大赦天下，與民更始。

晉書孝武帝紀

詔桓溫

先帝遺敕云：事大司馬如事吾，令答表便可盡敬。

晉書桓溫傳

又詔

大司馬社稷所寄，先帝託曰：家國內外，眾事便就關公施行。

晉書桓溫傳

又詔 宣康元年二月

公勤德尊重師保朕躬兼有風患其無敬

晉書桓溫傳

報王凝之劾范甯詔

宣康中

漢宣云可與共治天下者良二千石也若范甯果如凝之所表者

豈可復宰郡乎

晉書范甯傳

詔賻竺道潛

宣康二年

潛法師理悟虛遠風鑒清貞棄宰相之榮襲染衣之素山居人外
篤勤匪懈方賴宣道曰濟蒼生奄然遷化用痛于懷可賻錢十萬

星馳驛送

高僧傳四

地震詔

太元元年五月癸丑

頃者上天垂監謹告履彰朕有懼焉震惕於心思所曰議獄緩死

赦過宥罪庶回大變與之更始

晉書孝武帝紀

報桓沖請討符堅詔

元年

醜類違天比年縱肆梁益不守河西傾喪每惟宇內未一愼歎盈

懷將軍經略深長思筭重復忠國之誠形于義旨覽省未周曰感
曰慨寇雖乘間竊利而曰無道臨之黷武窮兇虐用其眾滅亡之
期勢何得久然倘豫不虞軍之善政輒詢于羣后敬從高筭想與
征西協參令圖案文選沈約齊安陸王碑注引晉中興書烈宗與
曰桓沖協隆治道與此語相當後諱隆治字遂改
耳易之嘉謀遠猷動靜曰聞晉書桓
沖傳

詔定病假限

大臣疾病假滿三月解職

御覽六百三十四引晉
起居注太元元年詔

許桓祕辭散騎常侍詔

太元初

祕受遇先朝是曰延之而頻有讓表曰栖尚告誠兼有疾疾省用
增歎可順其所執晉書桓
祕傳

俸給釋道安詔

安法師器識倫通風韻標朗居道訓俗徽績兼著豈直規濟當今
方乃陶津來世俸給一同王公物出所在晉書
傳五

禁毀比輪錢詔

太和三年

錢國之重寶，小人貪利，銷壞無已。監司當已爲意，廣州夷人賣貴銅鼓，而州境素不出銅，閭官私賈人皆於此下。

疑有衍誤通典無此三字

貪比

輪錢斤兩差重，已入廣州，貨與夷人，鑄敗作鼓，其重爲禁，制得者

科罪

晉書食貨志又通典八

詔桓石虔

三年

石虔文武器幹，御戎有方。古人絕哭，金革弗避，況在餘哀，豈得辭

事，可授奮威將軍、南平太守。

晉書桓石虔傳

案阮逸注元經六年此詔屬太元六年作御戎有方古

今絕倫，進冠軍將軍，與晉書

乖異未知所據不敢入錄

除三吳租布詔

太和四年正月

三吳奧壤，股肱望郡，而水旱併臻，百姓生業，夙夜惟憂，不能忘懷。

宜時賑卹，救其凋困。三吳義興、晉陵及會稽遭水之尤甚者，全除

一年租布，其次聽除半年，賑貸者卽已賜之。

咸清臨安志四十一

符堅攻陷襄陽下詔申警

四年三月壬戌

狡寇縱逸藩守傾沒疆場之虞事兼平日其內外眾官各悉心戮力曰康熙事又年穀不登百姓多匱其詔御所供事從儉約九親供給眾官廩俸權可減半凡諸役費自非軍國事要皆宜停省曰

周時務

晉書孝武帝紀

皇后王氏崩下詔

四年九月

終事唯從儉速

宋書禮志二

又詔

遠近不得遣山陵使

同上

議祭皇子廟詔

太元六年

亡大兄曰司馬珣之爲國後祭祀何儀

通典四十七

詔迎武陵王晞柩于新安

六年

感惟摧慟便奉迎靈柩并改移如應氏及故世子梁王諸喪家屬

悉還

晉書元四王
武陵王晞傳

詔封故前武陵王晞并爵其二子

六年

故前武陵王體自皇極尅己思愆仰惟先朝仁宥之旨豈可情禮靡寄其追封新寧郡王邑千戶晞三子綜璉遵日遵嗣追贈綜給

事中璉散騎郎

晉書元四王
武陵王晞傳

張天錫歸國詔

太元八年

昔孟明不替終顯厥功豈已一嘗而廢才用其已天錫爲散騎常

侍左員外

晉書張天錫傳苻堅大敗于淮肥天錫干
陣歸國詔云又見十六國春秋七十四

復張天錫西平公爵詔

故太尉西平公張軌著德遐域世襲前勞彊兵縱害遂至失守散

騎常侍天錫拔迹登朝先祀淪替用增矜慨可復天錫西平郡公

爵

晉書張天錫傳又見
十六國春秋七十四

曰苻朗爲員外散騎侍郎詔

太元九年十月

明深識逆順望風歸化既嘉此誠亦簡其才可員外散騎侍郎位

賜給之

御覽一百二十
四引晉中興書

召琅邪王道子爲都督中外諸軍事詔太元十年八月

新喪哲輔華戎未一自非明賢懋德莫能綏御內外司徒琅邪王
道子體道自然神識穎遠實當以爽之重宜總二南之任可領揚

州刺史錄尚書假節都督中外諸軍事衛府文武一曰配驃騎府

晉書會稽王道子
傳謝安薨詔云云

詔議明堂郊祀太元十二年五月壬戌

昔建太廟每事從儉約思與率土致力備禮又太祖虛位明堂未

建郊祀國之大事而稽古之制闕然便可詳議

晉書禮志上
宋書禮志三

徵譙武戴襲詔十二年

哲王御世必搜揚幽隱故空谷流紫維之詠邱園賁束帛之觀譙

武戴翼並高其操欲宏儒業並召散騎常侍備禮發遣

元經
六

百侍中王珉兼中書令詔

新除侍中王珉才學廣贍理識清

初學記作精

通宜處機近已參時務

其百珉爲長兼中書令

初學記四十八引王珉別傳

答孫潛詔

得上故祕書監所著書省已慨然遠模前典憲章在昔一代之事

輒敷納之祕閣已貽于後

釋藏給三集古今佛道論衡實錄一孫盛子潛百晉太元十五年上之詔

與殷仲堪詔

太元十七年十一月

卿去有日使人酸然常謂永爲廊廟之寶而忽爲荆楚之珍良已

慨恨

晉書殷仲堪傳帝授仲堪振威將軍荆州刺史假節鎮江陵將之任又詔

上會稽太妃尊號詔

太元十九年

會稽太妃文母之德徽音有融誕載聖明光延于晉先帝追尊聖

善朝議不一道曰疑屈朕逃避先志常惕于心今仰奉遺旨依陽

秋二漢孝懷皇帝故事上太妃尊號曰簡文太后

晉書簡文宣太后傳

案御覽
乎作予

遣兼司空謝琰納太子妃王氏詔

太元二十一年

太子諱婚禮卽就仰祖宗遺烈憑道德之姿保傳將翼賢士竭誠
慎行修德積善慶隆豈惟在乎天資賜所曰宣其悅情其便依舊

御覽一百四十九引

晉孝武帝起居注

太元中

訪嵇紹宗族襲爵詔

太元中

褒德顯仁哲王令典故太尉忠穆公執德高邈在否彌宣貞潔之
風義著千載每念其事愴然傷懷忠貞之節蒸嘗宜遠所曰大明

至節崇獎名教可訪其宗族襲爵主祀

晉書嵇紹傳

贈賻周虓詔

太元中

虓厲志貞亮無愧古烈未及拔身奄隕厥命甄表義節國之典也
賻龍驤將軍益州刺史賻錢二十萬布百疋又贍賜其家

晉書周虓傳

賻丁穆詔

太元中

故順陽太守真定侯丁穆力屈身陷而誠節彌固直亮壯歎義

古烈其喪柩始反言尋傷悼可贈龍驤將軍雍州刺史賻賜一依
周虓故事爲立屋宅并給其妻衣食曰終厥身晉書丁穆傳苻堅
執堅又傾國南寇穆與關中人士相義謀襲長安事泄過害
臨死作表曰付其妻閱其後周得至涼師詰闕上之帝下詔
詔賻竺法汰

汰法師道播八方澤流後裔奄余喪逝痛貫于懷可賻錢十萬喪

事所須遂由備辦高僧傳五

詔

躬儉曰弘下濟之惠文選顏延之侍遊蒜山詩注

與明法師書

自至帝敬問太山朗和尚承徽德光時飛聲東嶽靈海廣淹有生蒙
潤大人起世善翼匡時輒伸經路懸粟妙筭昔劉曜創荒戎狄繼
業元皇龍飛遂息江表舊京淪沒神州傾蕩蒼生荼蓼寄在左衽
每一念至嗟悼朕心長驅魏趙埽平燕代今龍旗方興尅復伊洛

思與和尚同養羣生至人通微想明朕意今遣使者送五色珠像
一軀明光錦五十疋象牙筭五領金鉢五枚到願納受

廣弘明集
三十五

帖

比得譙王書有欲仙語吾答之如別卿前云宜卿譙王參之於眾
云公書卿私書君輒從眾目吾觀之宜當許也想所謂爾

清化閣
帖一

賜進士出身一品銜廣東等處提刑按察使司按察使兼管驛傳事務黃岡王毓藻校刊

全晉文卷十二

烏程嚴

安帝

帝諱德宗字德宗孝武帝長子太和二十一年九月卽位改元三隆安元興義熙在位二十二年劉裕使王韶之弑之諡曰安皇帝

復召殷仲堪爲荊州詔

隆安二年

間召將軍憑寄失所朝野懷憂然既往之事宜其兩忘用乃班師迴旆祇順朝旨所召改授方任蓋隨時之宜將軍大議誠感朕心今還復本位卽撫所鎮釋甲休兵則內外寧一故遣太常茂具宣乃懷

晉書殷仲堪傳

召孔安國領東海王師詔

隆安中

領軍將軍孔安國貞慎清正出內播譽可召本官領東海王師必

能導達津梁依仁游藝

晉書孔安國傳

贈殷顓冠軍將軍詔

隆安中

故南蠻校尉殷顓忠績未融奄馬隕喪可贈冠軍將軍

晉書殷顓傳

命元顯釋服居職詔

隆安四年

會稽王妃尊賢莫二朕義同所親今葬加殊禮一依琅邪穆太妃故事元顯夙令光懋乃心所寄誠孝性蒸蒸至痛難奪然不己家事辭王事陽秋之明義不己私限違公制中代之變禮故閔子腰經山王逼屈良已至蹙由中軌容者外有禮無時賢哲斯順頌妃葬畢可居職如故

晉書會稽王道子傳

進吳隱之前將軍詔

元興初

夫孝行篤於閨門清節厲乎風霜實立人之所難而君子之美致也龍驤將軍廣州刺史吳隱之孝友過人祿均九族菲已絜素儉愈魚膾夫處可欲之地而能不改其操饗惟錯之富而家人不易

其服革奢務儉南域改觀朕有嘉焉可進號前將軍賜錢五十萬

穀千斛

晉書吳隱之傳又羣書治要三十引晉書

反正江陵詔

元興三年五月甲申

姦兇篡逆自古有之朕不能式遏杜漸已致播越賴鎮軍將軍裕英略奮發忠勇絕世冠軍將軍毅等誠心宿著協同嘉謀義聲既振士庶效節社稷載安四海齊慶其大赦凡諸畏逼事屈逆命者一無所問

晉書安帝紀

原桓胤詔

三年

夫善著則祚遠勳彰故事殊已宣孟之忠蒙後晉國子文之德世嗣獲存故太尉沖昔藩陝西忠誠王室諸子染凶自貽罪戮念沖遺勤用悽于懷其孫胤宜見矜宥已獎爲善可特全生命

晉書桓胤傳

改元大赦詔

義熙元年正月戊戌

朕已寡德夙纂洪緒不能緝熙遐邇式遏姦兇逆臣桓玄乘釁肆

亂乃誣罔天人，纂據極位，朕躬播越，淪胥荒裔，宣王之基，眇焉已墜，賴鎮軍將軍裕忠武英斷，誠冠終古，運謀機始，貞賢協其契，杖淚誓眾，義士感其心，故霜戈一揮，巨猾奔迸，三率稜威，大憝授首，而孽振猖狂，剛凶荆郢，幸天祚社稷，義旗載捷，狡徒沮潰，朕獲反正，斯實宗廟之靈，勤王之勳，豈朕一人獨享，伊祐思與億兆，幸茲更始，其大赦改元，唯玄振一祖及同黨不在原例，賜百官爵二級，鯁寡孤獨，穀人五斛，大酺五日。

晉書安帝紀

詔百官

元年三月乙未

此非諸卿之過，其還率職。

晉書安帝紀

毛璩文處茂進爵詔

元年正月

夫貞松標於歲寒，忠臣亮於國危，益州刺史璩體識弘正，誠契義旗，受命偏師，次於近畿，匡烈之勳，實感朕心，可進征西將軍，加散騎常侍，都督益梁秦涼靈五州軍事，行宜都監，屬太守文處茂，宣

讚蕃牧蒙險夷難可輔國將軍西夷校尉巴西梓潼二郡太守

晉書

毛寶附傳

又詔毛瑾等

西夷校尉瑾爲持節監梁秦二州軍事征虜將軍梁秦二州刺史
略陽武都太守瑾弟蜀郡太守瑗爲輔國將軍寧州刺史

同上案瑾廢

皆瑾弟

答釋慧遠詔

當在元年二三月間

陽中感懷知所患未佳甚情耿去月發江陵在道多諸惡情遲兼
常本冀經過相見法師既養素山林又所患未痊邈無復因增其
歎恨

高僧傳六

曰劉裕爲侍中車騎將軍詔

三月庚子

古稱大者天地其次君臣所已列貫三辰神人代序諒理本於造
昧而運用於萬葉故盈否時襲四靈通其變王道或昧貞賢拯其

危天命所召永固人心所召攸穆雖夏周中傾賴靡申之績莽倫
載竊實二代是維或乘資藉號或業隆異世猶詩書曰之休詠記
策用爲美談未有因心撫民而誠發理應援神器於已淪若在今
之盛者也朕召寡昧遭家不造越自遘閔屬當屯極逆臣桓玄乘
豐縱慝窮凶恣虐滔天猾夏遂誣罔人神肆其繁亂祖宗之基旣
湮七廟之饗胥殄若墜淵谷未足斯譬皇度有晉天縱英哲使持
節都督揚徐兗豫青冀幽并江九州諸軍事鎮軍將軍徐青二州
刺史忠誠天亮神武命世用能貞明協契義夫饗錄故順聲一唱
二溟卷波英風振路宸居清翳暨冠軍將軍毅輔國將軍無忌振
武將軍道規舟旗遙邁而元凶傳首回戈疊揮則荆漢霧廓俾宣
元之祚永固於嵩岱傾基重造再集於朕躬宗廟歆七百之祐皇
基融載新之命念功惟德永言銘懷固已道冠開闢獨絕終古書
契召來未之前聞矣雖則功高靡尙理至難文而崇庸命德哲王

攸先者將曰弘道制治深闕盛衰故伊望膺殊命之錫桓文饗備
物之禮况宏徵不世顧邈百代者宜極名器之隆曰光大國之盛
而鎮軍謙虛自表誠旨屢顯朕重逆仲父乃所曰愈彰德美也鎮
軍可進位侍中車騎將軍都督中外諸軍事使持節徐青二州刺
史如故顯祚大邦啟茲疆宇

宋書此
帝紀上

減省供奉詔

三月甲辰

自頃國難之後人物凋殘常所供奉猶不改舊豈所曰視人如傷

禹湯歸過之誠哉可籌量減省

晉書安
帝紀

加贈檀憑之詔

義熙初

夫旌善紀功有國之通典沒而不朽節義之篤行故冀州刺史檀
憑之忠烈果毅亡身爲國旣義敦其情故臨危授命考諸心迹古
人無曰遠過近者之贈意猶恨焉可加贈散騎常侍本官如故旣
隕身王事亦宜追論封賞可封曲阿縣公邑二千戶

晉書檀
憑之傳

答尚書請撰國史詔 二年

先朝至德光被未著方策宜流風緬代永貽將來者也便敕撰集

宋書徐

廣傳

追贈何無忌詔 六年三月

無忌秉哲履正忠亮明允亡身殉國則契協英謨經綸屯味則重氛載廓及敷政方夏實播風惠妖寇構亂侵擾邦畿投袂致討志清王略而事出慮外臨危彌厲握節隕難誠貫古賢朕用傷慟于厥懷其贈侍中司空本官如故諡曰忠肅

晉書何無忌傳

征劉毅詔 八年九月

制詔劉毅傲狠凶戾履霜日久中間覆敗宜卽顯戮晉法含弘復蒙寵授曾不思愆內訟怨望滋甚賴宰輔臧疾特加遵養遂復推轂陝西寵榮隆泰庶能洗心感遇革音改意而長惡不悛志爲茲寃陵上虐下縱逸無度旣解督任江州非復所統而輒徒兵眾略

取軍資

文館詞林作阻逆

驅斥舊成厚樹親黨西府二局文武盈萬悉皆

割留曾無片言肆心恣欲罔顧天朝又與從弟藩遠相影響招聚

剽狡繕甲阻兵外託省疾實規伺隙同惡相濟圖會荆郢尙書左

僕射謝混憑藉世資超蒙殊遇而輕佻躁脫職爲亂階扇動內外

連謀萬里是可忍孰不可懷已詔太尉隨宜翦戮諸所處分一

委公高筭

晉書劉毅傳文館詞林六百六十二

詔大司馬太尉二府依舊辟召掾

十二年

大司馬明德懋親太尉道勳光大蒞徽序舜倫燮和二氣髦俊引

領思佐鼎飴而雅尙沖挹四門弗闕誠合大雅謙虛之道實違急

賢贊世之務昔蒲輪載徵異人竝出東平開府奇士嚮臻濟濟之

盛朕有欽焉可敕二府依舊辟召必將明揚俊乂嗣軌前賢矣

晉書

恭帝紀

詔大司馬

大司馬地隆任重親賢莫貳雖府受節度可身無致敬

晉書恭帝紀案此

安帝詔恭帝耳文選齊竟陵王行

狀注引晉中興書恭帝詔云云誤

進劉裕爲宋公詔

十二年十月

夫嵩岱配極則乾道增輝藩岳作屏則帝王成務是已夏殷資昆
彭之伯有周倚齊晉之輔鑒諸前典儀型萬代翼治扶危墜不由
此太尉公命世天縱齊聖廣淵明燭四方道光宇宙爰自口口初
迪則投勲王國妖菴孔熾則功存社稷固已四維是荷萬邦攸賴
者矣暨桓玄僭逆傾蕩四海公深秉大節靈武靈震弘濟朕躬再
造王室每惟勳德銘于厥心遂北清海岱南夷百越荆雍稽服庸
岷順軌剋黜方難式遏寇虐及阿衡王猷班序內外仰興絕風傷
嗣逸業秉禮已整俗遵王已垂訓聲教遠被無思不洽爰暨木居
海處之酋被髮雕題之長莫不忘其陋險九譯來庭此蓋播諸微
策靡究其詳者也曩者永嘉不綱諸夏幅裂終古帝居淪胥戎虜

永言園陵率土同慕公明發遐慨撫機電征親董侯伯稜威致討
旌楨首塗則八表響震偏師先路則多壘雲徹舊都載清五陵復
禮百城屈膝于落影從自篇籍所載生民自來勳德懋功未有若
此之盛者也昔周呂佐淑聖之主因三分之形把旄仗鉞一時指
麾皆大啟疆宇跨州兼國其在桓文方茲尤儉然亦顯被寵章光
錫殊品況乃獨絕百代顧邈前烈者哉朕每弘鑒古訓思遵合圖
曰公深秉冲挹用闕大禮天人引領于茲歷載況今禹迹齊軌九
隩同文司勳抗策普天增伾遂公高挹大愆國章三靈眷屬朕實
祇懼便宜顯答羣望允崇盛典其進位相國總百揆揚州牧封十
郡爲宋公備九錫之禮加璽綬遠遊冠位在諸侯王上加相國綠
綬綬宋書武帝紀中案九錫文傳亮作疑此及
晉晉宋王詔亦亮作已無左證故編于此
慰勞劉裕詔義熙十三年

逋寇阻隘晏安假日舉斧函谷規延王誅羣師勤王將離寒暑公

躬秉鉄鉞稜威首塗戎輅載脂則郊壘憂卷嶠陝甫踐則潼塞開
肩姚泓窘逼棄城送死藍田偏師覆之霸川甲首成林俘獲蔽野
偽首奔遊華戎雲集積紀逋寇旦夕夷殄

宋書
自序

進宋公爵爲王詔

義熙十三年十月

朕聞先王之莅天下也上則大寶呂尊德下則建侯呂發功是呂
成勳告就文命有玄圭之錫四海來王姬旦饗龜蒙之卦夫翼聖
宣績輔德弘猷禮窮元賞寵章希世況明保沖味獨運陶鈞者哉
朕且不德遭家多難雲雷作屯夷羿竊命失位京邑遂播蠻荆艱
難卑約制命凶醜相國宋公天縱睿聖命世應期誠貫三靈大節
宏發拯朕躬於巢幕迴靈命於已崩固已道窮北面障格八表者
矣及外積全國之勦內累戡黎之伐芟夷彘妖之始蘊崇奸猾之
源顯仁臧用之道六府孔脩之績莫不雲行雨施能事畢舉諒已
方軌於三五不容於典策者焉自永嘉喪師綿踰十紀五都分崩

然正朔時暨唯三秦懸隔未之暫賓至合羌虜襲亂淫虐三世資
百二之易守恃函谷之可關廟筭韜略不謀之日久矣公命世撫
運闢曜威靈內研諸侯之慮外致上天之罰故能倉兕甫訓則許
鄭風偃鉅鉞未指則源洛霧披俾舊闕元陽復集萬國之軫東京
父老重飭司隸之章俾朕負辰高拱而保大洪烈是用遠鑒前典
延卽羣謀敬授殊錫光啟疆宇乘馬之制有陋舊章微稱之美未
窮上爵豈足已顯報懋功允寒民望藩輔王畿長轡六合者乎實
已公每秉謙德卑不可踰難進之道已寵爲戚是故降損盛制且
有後命也自茲迄今洪勳彌劭稜威九河趙魏底服迴轅崑潼連
城冰泮遂長驅灞澹懸旂龍門遊虜姚泓係頸就擒百稔梗穢滌
於崇朝祖宗遺憤雪於一旦涉禹之迹方行天下至于海外罔有
不服功固萬世其靈惟永豈金石雖頌所能讚揚實可已告於神
明勒銘嵩岱者已朕又聞之周道方遠則鸞鷲鳴岐二南播德則

麟駒呈瑞自公大號初發爰暨告成靈祥炳煥不可勝紀豈伊素
維遠至嘉禾近歸而已哉朕每仰鑒玄應俯察人謀進惟道勳退
惟國典豈得遂公沖挹而久蘊盛策便宜敬行大禮允副幽顯之
望其進宋公爵爲王呂徐州之海陵東安北琅邪北東莞北東海
北譙北梁豫州之汝南北潁川北南頓凡十郡益宋國其相國揚
州牧領征西將軍司豫北徐雍四州刺史如故宋書武帝紀中

呂檀祇爲宋領軍將軍詔十四年

宋國始立內外草創禁旅王要總司須才右將軍祇可爲宋領軍
將軍加散騎常侍宋書檀祇傳

追贈毛璩及弟瑾瑗等詔義熙中

故益州刺史璩西夷校尉瑾蜀郡太守瑗勤王忠烈事乖慮外葬
送日近益懷惻愴可皆贈先所授官給錢三十萬布三百疋晉書毛寶

附傳璩及弟瑗瑗并子姪之在蜀者爲誰縱所沒
義熙中始璩太守時延祖上僚訟璩兄弟於是

追贈魏詠之詔

魏書中

魏詠之器宇弘邵，識局貞隱，同獎之誠，寶銘王府，敷績之效，垂惠

在人，奄致隕喪，惻愴于心，可贈太常加散騎常侍。

晉書魏詠之傳

詔

今權順所請，已申超世之美。

文選稽淵碑注引晉起居注安帝詔

元功盛德，超前絕後。

文選齊安陸王碑注引晉起居注安帝詔

下書討桓玄。

元興元年正月

豎子桓玄，故大司馬不腆之息，少懷狡惡，長而不悛，遂與王恭協同姦謀，阻兵內侮，三方雲集，志在問鼎，闕擬神器，賴祖宗威靈，宰輔神略，忠義奮發，罪人斯殞，玄等猖狂失圖，回舟鳥逝，便宜乘會，殲除姦源，于時同異之論，用惑廟策，遂使王憲廢撓，寵授非所，猶冀玄當洗濯胃腑，小懲大誡，而狼心弗革，悖慢愈甚，割據江湘，擅威荆郢，矯命稱制，與奪在手，又對侍中王謐，放肆醜言，欲縱凶毒。

陵陷上京無君之心形於音翰不臣之迹日月彌著是可忍也孰不可懷宜明九伐已寧西夏尙書今後將軍元顯可爲征討大都督督十八州諸軍事驃騎大將軍儀同三司已劉牢之爲前鋒行征西將軍權領江州命司馬尙之入河水

魏書桓玄傳

授劉裕策

義熙三年二月

有扈滔天夷羿乘釁亂節于紀實撓皇極賊臣桓玄怙寵肆逆乃摧傾華霍倒拔嵩岱五嶽既夷六地易所公命世英縱藏器待時因心資敬誓雪國恥慨憤陵夷誠發宵寐旣而歲月屢遷神器已遠忠孝幽寄實貫三靈爾乃介石勝機宣契畢舉訴蒼天已爲正揮義旅而一驅奔鋒數百勢烈激電百萬不能抗限制路日直植城遂使衝鯨潰流暴鱗奔漢廟勝遠加重氛載勝二儀廓清三光返照事遂永代功高開闢理微稱謂義感朕心若夫道爲身濟猶靡厥爵況乃誠德旣深勳貫天人者乎是用建茲邦國永祚山河

言念載懷匪云足報往欽哉俾屏余一人長弼皇晉流風垂祚
烈無窮其降承嘉策對敬朕命

宋書武帝紀上

恭帝

帝諱德文字德文安帝同母弟初封琅邪王歷中軍將軍散騎
常侍衛將軍開府儀同三司加侍中領司徒錄尚書事元興初
遷車騎大將軍桓玄輔政進太宰及纂位曰爲石陽縣公玄平
復爲琅邪王領徐州刺史拜大司馬領司徒曰義熙十四年十
二月卽位改元元熙在位二年禪于宋封零陵王永初二年遇
弑諡曰恭皇帝

案宋書王韶之傳云恭帝卽位遷黃門侍郎領著作郎凡諸詔奏皆其辭也今曰禪讓詔策編

入詔之
集中

北征上疏

請帥所莅啟行戎路脩敬山陵

晉書恭帝紀

復上疏乞奉辭陵廟

臣推轂闕外將革寒暑不獲展情延燧私心罔極伏願天慈特垂聽許使臣微誠粗申卽路無恨

晉書恭帝紀

四府君祧主議

太始之初虛太祖之位而緣情流遠上及征西故世盡則宜毀而宣皇帝正太祖之位又漢光武帝移十一帝主於洛邑則毀主不設理可推矣宜從范宣之言築別室召居四府君之主永藏而不祀也

宋書禮志三義熙九年四月大司馬張那王德文議又略見晉書禮志上

賜進士出身二品銜廣東等處提刑按察使司按察使兼管驛傳事務黃岡王毓藻校刊

全晉文卷十二終